



Communiqué de presse

de l'Ambassade des Etats-Unis

14-16 rue Rainitovo, Antsahavola, Antananarivo 101 – Madagascar - Tel.: 261 20 22 212 57

Alatsinainy, 30 April 2007

Fianianana Mpilatsaka an-tsitraro miisa 28 avy amin'ny Corps de la Paix, hiasa eo amin'ny Sehatry ny Tontolo Iainana

Ny Alarobia 02 May 2007, dia Mpilatsaka an-tsitraro miisa 28 avy amin'ny Corps de la Paix, izay hiasa eo amin'ny Sehatry ny Tontolo Iainana, no nanao fianianana manoloana ny Talen'ny Corps de la Paix, Atoa Ronald Tschetter, avy any Washington, D.C. mitsidika an'i Madagasikara ny 30 Aprily ka hatramin'ny 04 May 2007. Notanterahina ao amin'ny fonenan'Atoa James D. McGee, Masoivohon'i Etazonia eto Madagasikara izany lanonana fianianana izany. Aorian'ity fianianana ataon'ireo Mpilatsaka an-tsitraro vaovao ireo ity, dia ho tafakatra ho 51 ny isan'ireo mpilatsaka an-tsitraro eo amin'ny sehatry ny tontolo iainana eto amintsika.

Araka ny nambaran'Atoa Leif Davenport, Tale Mpanampy sady Mpandrindra Tetikasa ao amin'ny Corps de la Paix, dia miasa manerana an'i Madagasikara ny mpilatsaka an-tsitraro avy amin'ny Corps de la Paix. Na izany aza, saika ny roa am-pahatelon'ireo Mpilatsaka an-tsitraro eo amin'ny sehatry ny tontolo iainana dia miasa any amin'ny tanàna any amin'ny morontsiraka atsinanana, izay ahitana ny sisa tavela amin'ny ala mando eto Madagasikara. Isan-taona dia Mpilatsaka an-tsitraro manodidina ny 25 eo no ilaina any an-toerana. Ny antsasak'ireto Mpilatsaka an-tsitraro vao tonga ireto dia manana traikefa eo amin'ny voly ala, ary ny sisa kosa dia manana traikefa na fahaizana manokana momba ny fiompiana sy fambolena amin'ny ankapobeny.

Anisan'ireo fikambanana Malagasy miara-miombona antoka amin'ny fandraisana ireto mpilatsaka an-tsitraro ireto ny Ministeran'ny Tontolo Iainana, izay ahitana ny Sampana Misahana ny Fitantanana ireo Faritra Voaàro (ANGAP); ao koa ireo fikambanana tsy miankina avy eto an-toerana sy iraisam-pirenena, ary ireo tanàna tsirairay. Ny iraka voalohany iantsorohan'ireo Mpilatsaka an-tsitraro eo amin'ny sehatry ny Tontolo iainana ireo dia ny miara-miasa amin'ny firenena mpampiantrano mba hamantarana ireo fomba fanao efa misy sy nahitam-pahombiazana eo amin'ny sehatry ny voly ala sy ny fiompiana sy fambolena; ary ny mampita ny fahaizana mampihatra izany fomba fiasa izany any amin'ireo mponina eo amin'ny tanàna mandray azy avy.

Efa hatramin'ny taona 1993 no niasa teto Madagasikara ny Corps de la Paix. Ankehitriny dia mahatratra 133 ny isan'ny mpilatsaka an-tsitraro miasa manerana ny nosy.